


იუმორისტული ალმანახი

ეიმპაკი

ალმანახი გამოდის მაშინ, როცა ეს მოსახერხებელი იქნება გამომცემლისათვის. ხელის-
მოწერა არ მიიღება. დასაბეჭდი მასალები გამოიგზავნება შემდეგ ადრესზე: Типография
Т-ва «Шрома» для Алманаха.



არჩილის სსოჰნას

თოვლს დაუფარავს მთათა მწვერვალნი,
სასტიკი ქარი დაღმუის ბარათ,
მზე მიმაღულა მუაზსელ ღრუბლებში,
ბუნება გლოვობს, ცრემლი სდის ღვარათ.
მითხარ, ბუნებაჲ, შენ ვის დასტირი,
ვის აფრქვევ ცრემლებს გულ-ამღვრული?

— სიმართლისათვის მედგარ ბრძოლაში,
ვინც ღირსეულათ დალია სული,
გამომწვევდელი ოთხ კედელ შორის,
წამების ჯვარზე ხელ-ფეხ-გაკრული.

მწარეთ ქვითინებს მშრომელთა კერა,
ფრთხა გაუძლია მწუხარებასა:
დიდი, ჰატარა, კაცი და ქალი
გლოვობს და აფრქვევს მღუღარებასა.
მარქვით, ჩაგრულნო, თქვენ ვის დასტირით,
ვის აფრქვევთ ცრემლებს გულ-ამღვრული?

— სიმართლისათვის მედგარ ბრძოლაში,
ვინც ღირსეულათ დალია სული,
გამომწვევდელი ოთხ კედელ შორის,
წამების ჯვარზე ხელ-ფეხ-გაკრული.

სევდან-ნადველი სწვევია მგოსანს,
ძაძით მოურთავს სმა-ტებილი ჩანგი,
მწარეთ აკვნესებს წკრიალა სიმებს
და შორს გაისძის მწუხარე ჰანგი.
მითხარ, მგოსანო, შენ ვის დასტირი,
ვის აფრქვევთ ცრემლებს გულ-ამღვრული?

— სიმართლისათვის მედგარ ბრძოლაში,
ვინც ღირსეულათ დალია სული,
გამომწვევდელი ოთხ კედელ შორის,
წამების ჯვარზე ხელ-ფეხ-გაკრული.

ვ. რუხაძე.

არჩილ ჯაფარიძის დასაფლავება

26 დეკემბერს, ცოტა სუსხიანი დღით გათენდა: ახლად ამოცურებულ მზეს ჯერ კიდევ ვერ მოეკრება იმდენი ძალა, რომ ცის კაბადონზე გაკრული თხელი ბურუსი გადაეყარა და სხივ-გაშლილი გადმოეხედა ცის ლაგვარდიდან: ნელი, მაგრამ ცივი ნიავი სახესა კბენდა თავისი ცივი სუსხით. ქუჩაში მიმავალს იშვიათად შეხედებოდა, ხოლო ვისაც ხედავდით ისინიც გაჩქარებით მისწრაფოდნენ თავისი საქმისკენ. სახე დაწითლებული ვატმანები გამალბებით მიაქროლებდნენ ტრამვაის ვაგონებს და ზარების წკარუნით ქუჩებს აყრუებდნენ.

— თქვენ აქ უნდა ჩამოხტეთ, — უთხრა კონდუქტორმა ერთ ახალგაზრდას, — ვაგონი მუშტიდისკენ მიდის და მიცვალბებულს-კი ელიზვეტის ქუჩით წამოასვენებენ, გზაზე ასცდებით.

— არა, ბრძანდებოდეთ, — ჩაერია ლაპარაკში ერთი მგზავრთავანი, — როგორც ამბობენ, მხოლოდ გოლოვინის ქუჩაზე არ მისცეს ნება ვავლისა, თორემ აქ მიხაილოვის პროსპექტით უნდა გავიაროთ. მეც იქით მოვდივარ.

რკინის გზის საავთმყოფოს მახლობლათ (ანდრეევის ქუჩაზე) პატარა სამლოცველოში ესვენა არჩილ ჯაფარიძის კუბო. მთავრობის ნებართვით პროცესიას უნდა გაეგლო: მუშტიდის ქუჩა, იქიდან ელიზვეტისა, ჩაეხვია ბაქოს ქუჩით და შემდეგ მიხაილოვის პროსპექტით მისულიყო გორნცოვის ძეგლამდე; აქედან ბარათინისკისა და ლორის-მელიქოვის ქუჩით მისულიყო ქვაშეთის ეკლესიამდე.

დღისი ცხრა საათზე სამლოცველოს მახლობლად აუარებელმა ხალხმა მოიყარა თავი. ეს ნაწილი ანდრეევის ქუჩისა თითქმის გაქვდილი იყო ძვირფასი მიცვალბებულის პატივისმცემლობით. ყველას უზომოდ მწუხარების ბეჭედი ესვა სახეზე. გამლიერებული ნარიადი პოლიციისა ენერგიულად ცდილობდა წესიერების დარღვევას. წამ და უწყუმ ეჩხირებოდნენ იქ: სადაც ეგ ზღვა ხალხი გასაოცარ წესიერებას იცავდა.

თერთმეტი საათი იქნებოდა დაწყებულა, რომ სამლოცველოდან მუშებმა გამოასვენეს არჩილის კუბო და ხელგებზე აწეული წინ გაუმძღვარეს დიდებულ პროცესიას. დაიძრა მგალობელთა გუნდი, ორი გვირგვინებით დატვირთული ბაღდაძინი და მას მიჰყვა მჭიდროთ და-

რასმული ხალხი. მზემ თან და თან გადაიყარა ბურუსის პირბადე და თავისი კაშკაშა ნათელი სხივებით უკანასკნელათ მიესალმა წამებულის დაღუპებულ სახეს, მის ცივ კუბოს.

ნელის ნაბიჯითა და საუცხოვო წესრიგით დაუხვია პროცესიამ მუშტიდის ქუჩით და ცოცხალ მდინარესავით გაიქიმა თვალსაჩინო სივრცეზე. ელისაბედის ქუჩაზე გამოირკვა, რომ აღმინისტრაციამ არ მისცა პროცესიას მიხაილოვის პროსპექტზე გასვლის ნება და ხალხიც ელისაბედის ქუჩით გაემართა. ბალის ქუჩასთან ელისაბედის ქუჩაც ჯაირის კაცებს გაემაგრებიათ და პროცესია ნიკოლოზის ქუჩაზე აიყვანეს. მრავალ-რიცხოვანი ხალხს თან და თან ემატებოდა, ცოცხალი მდინარე იზრდებოდა და წინ მიიწედა.

— ვინ არის, შვილო, ვის მიასვენებენ? შეეკითხა ერთი მოხუცი ქალი ჩემს მეზობელს.

— ეგ დედი, ჩვენი დეპუტატია, არჩილ ჯაფარიძე, ჩვენ ამოვირჩიეთ, გავაგზავნეთ და ახლა მკვდარი დავებრუნეს...

— ოი, გული კი მოუკვდეს იმათა!.. ჩაილაპარაკა მოხუცი და ნელი ნაბიჯით აედევნა ურიცხვთა გროვას.

— უჰ, რა მდიდარი ყოფილა, კოლა! შეხედე ამ გვირგვინებს და ამდენ ხალხს! განცვიფრებით ეუბნებოდა პატარა რუსის ბიჭი თავის ამბანავს.

პროცესია ნელის ნაბიჯითა და საუცხოვო წესრიგით წინ მიიწედა და გზა და გზა იზრდებოდა, ჩქარა დაუხვია ქუცოვსკის ქუჩაზე და თვალს საოცარი სანახაობა წარმოუღდა.

— სწორეთ არ მოველოდი ამდენი ხალხის მოზღვაებას, — ჩაულაპარაკა ერთმა ქალბატონმა ჩხოხოსანმა თავის მეზობელს.

— რატომ მერე. ბევრს ეწინააღმდეგებოდა თვარა, უკეთესს რამეს ვნახავდით.

— ერთობის დროინდელ მიტინგებს არა ვაეს? — დაუმატა მესამემ.

მართლა, ვისაც უნახავს თფილისში ოქტომბრის დღეები, ეს სანახაობა იმას უთუოდ გაუღვიძებდა გულში მიძინებულ ხსოვნას. რევოლუციონერის სიმღერების ნაცვლად მხოლოდ მგლოვიარე „წმინდა ღმერთოს“ გუგუნე არღვევდა სიჩუმეს, ხალხი, ურიცხვი ხალხი კი სდუმდა. ერთი გრძნობით გატაცებული მისდევდა ის სახვიარელი არჩილის ცხედარს, იმ არჩილისას, რომელსაც შეჭვივა ქირსა და ლხინი მხარის დაქვერა.

შვადლის 12 საათზე მოაწია პროცესიამ ქვაშეთის ეკლესიამდე. აქ მას მრავალი ხალხი შეუერთდა გოლოვინის პროსპექტიდან და ახლო-მასლო უბნებიდან. აქ დადანილ იქმნა წირვა და პანაშვიდი,

რასაც დაახლოებით საათ ნახევარი დასჭირდა. ამ ხნის განმავლობაში ხალხი იდგა ახლო-მახლო ქუჩებში და იცდიდა. ეკლესიაში, სივიწროვის გამო მხოლოდ ახლო ნათესავებს უშვებდნენ. ნამუდღევის 1¹/₂ საათზე საოცრათ გაზრდილი პროცესია დაეწეა დაღა ბარათინისკის ქუჩითა და გაემართა კუკის სასაფლაოსაკენ.

აი, აქ უნდა გენახათ თქვენ. აქ უნდა გადაგველოთ თვალი ამ დიადი სანახაობისათვის, მან თითქმის გაავსო მთელი ბარათინისკის ქუჩა და აღექსანდრეს ბაღის არე-მარე.

— როგორ მოგწონს, თუ ძმა ხარ, კატორგელის დასაფლავება, ა?

— ასეა ძმაო: იქ მთავრობამ გაასამართლა და აქ კი ხალხი ასამართლებს. როგორც ხედავ...

— მოიცა, ის როგა უღელავებინა ყმა-წყელი უთუოდ სხვა რჯულის ცხოველი უნდა იყოს, რაღაც ძალიან გითვალთვალებს.

— მაგისთანა ძაღლები დღეს აქ ბლომით იქნებიან, მაგრამ ვერნებ ვერაფერს ინადირებენ.

— შეხედე, შეხედე, როგორ ათვალ-ჩაათვალ იერა დეპუტატი გეგმეკორი.

— იმასთან, მაინც ამაოდ ჩაუვლის შრომა.

ევენი გეგმეკორი, თავჩაღუნული, ნელა მოაბიჯებდა შუა ქუჩაში და ვინ იცის თავში რა აზრი უტრიალებდა. ისიც ხომ იმ გზით მიდის, იმავე მძიმე და სახიფათო ქაპანს ეწევა, რომეოსაც თავი შესწირა ძვირფასმა არჩილმა?! ვინ იცის რას უმზადებს მას ხვალინდელი დღე! ვინ იცის რით დაგვირგვინდება მისი ზიჯითანი მოღვაწეობა. მწარე ფიქრებით გარემოცული, ის იმედის თვალით გადაჰყურებდა ამ ზღვა ხალხს, მათ თანაგრძნობას და ვუკერობ, ამით მკირედ მაინც იქარწყლებდა მძიმე შთაბეჭდილებას.

ქვაშეთის ეკლესიიდან მიცვალბებულის კუბო ქაღვბმა გამოასვენეს და თითქმის ვერს ნახევარის მანძილზე ხელით მიიქონდათ. კუბოს უკან ეტლით მიჰყვებოდნენ არჩილის მოხუცი მშობლები. იმათ დამწუხრებულ სახეს მტკიცე და გაბედული გამომეტყველება ემჩნეოდა. იქვე იყო მეთუღე არჩილისა.

პროცესიის უმეტესობას მუშები, წვრილი ხელოსნები და წვრილი მოვაჭრები შეადგენდნენ. აქა იქ მოჰკრავდით თვალს შემინებულ-გაკვირვებული ინტელიგენტის სახესაც. ცხადია ის არ მოელოდა არც ამ დიდებულ სანახაობას და არც ასეთ ჩინებულ წესრიგს. საერთოდ თფილისის აღმინისტრაციაც ჩვეულებრივზე უფრო თავაზიანი იყო დღესა და არსად მიუცია

ხალხისათვის საბუთი წესიერება დავრ-
დვია. როგორც გამოიკვევა სასაფლაოზე
მიმავალი გზები გვარაანათ იყო გამაგ-
გრებული საჭიროები ათვის და აქა იქ,
ქუჩიდან მიფარებულ ეზოებში მოსჩანდნ
ცხენოსან კახაკთა ნარიადები, მაგრამ
ქუჩაში თითქმის არ გამოსულან.

ნელის ნაბიჯით უახლოვდებოდა არ-
ჩილის ცხედარი თავის საუკუნია ბინას.
ხალხს თუნცა ბევრი დააკლდა, მაგრამ
რამოდენიმე ათასი კაცი და ქალი შეე
მდინარესავით მიკლაკნებოდა მიხვეულ-
მოხვეულ ქუჩებში და ნიაღვარივით ჩა-
ეშვა სასაფლაოს ეზოს კარებში.

— სიტყვების თქმა აკრძალულია? შე-
ეცითთა ახალგაზრდა ქალი თავის მეზო-
ბელს.

— დაუერთავთ ნება მხოლოდ რამო-
დენიმე კაცისათვის, მაგრამ განა შეიძ-
ლება იმის ლაპარაკი რაც უნდა ითქვას
არჩილზე?

— რაც უნდა უქმულიყო, ის კიდე-
ვაც სთქვა და საუცხოვოდაც სთქვა დღე-
ვანდღვა პროცესიამ, ჩაუთო სიტყვა
შორი ახლოს მდგომმა შევ-პალტოიანმა
უცნობა.

ორატორების რიცხვი მართლაც შეე-
კვეცა ადმინისტრაციას და სიძარბოვე
უნდა ითქვას, ამით ბევრი არაფერი დაუ-
შავებია. მრავალ-სიტყვაობა, საზოგადო
სენია ჩვენებული ორატორებისა. პირვე-
ლი გრძობით დასვავს სიტყვა ი. კაჩუ-
ხოვმა წარმოსთქვა. ადმინისტრაციის წარ-
მომადგენელმა რამდენჯერმე შეაწყვეტა
მას ლაპარაკი და ამით რასაკვირველია
უხერხულ მდგომარეობაში ჩააყენა, რო-
გორც ორატორი, ისე დამსწრე საზოგა-
დოება პირველს მოჰყვა მეორე, მესამე,
მეოთხე და სხვ... ილიპარაკა ფოთისა და
ქიათურის მუშათა წარმომადგენლებმა.
სიტყვა წარმოსთქვა აგრეთვე სოსიკო
მერკვილაძემ, არჩილის ბიძამა და სხვ.
ზემო აღნიშნული მიზეზისა გამო სიტ-
ყვები საზოგადოთ უფერული იყო და
სულაც რომ არ თქმულიყო, ამით დიდე-
ბული დღე არჩილ ჯაფარიძის დაკრძალ-
ვისა თითქმის არაფერს არ დაჰკარგავდა.

75—80 გვირგვინთა შორის დაინახე-
დით გვირგვინებს:

1) ს. დ. ფრაქციისაგან, 2) საქართვე-
ლოს სოც. ფედ. სარ. პარტ., 3) ამა-
ნავ მუსულმანებისაგან, 4) ОТЬ НЕМНО-
ГИХЪ, —ЗАЩИТНИКУ МНОГИХЪ, 5) ქალ-
თა თანამოაზრე ჯგუფისაგან. 6) ბაქოს
პროფესიონალური კავშირებისაგან და
მათი ცენტრალური ორგანოსაგან, 7) ბა-
ქოს ხელმძღვანელ კ—საგან, 8) კავკა-
სისის ს. კ—საგან, 9) თფილისის დემოს
მუშათაგან, 10) პოლიტიკურ საქმეთა
დამცველ ვეჟილებსაგან, 11) მეტების
პოლიტიკურ ტუსადთაგან, 12) ბათუმის
მუშებისაგან, 13) ქიათურის მუშებისა-
გან, 14) გორელ აზნაგებისაგან, 15) ს.
ხაშმის (გარეთ კახეთის) თანამოაზრე
გლეხთაგან, 16) თფილისის წვრილ ვა-
ქართა პროფესიონალურ საზოგადოებისა-
გან, 17) თფილისის კ—საგან, 18) „ალის“

რედაქციისაგან, 19) თფილისის რკინის
გზის სადგურის კონდუქტორთაგან, 20)
თფილისის ლუდის ქარხნის მუშათაგან,
21) ახალგაზრდა მეტძობლ ქალთაგან,
22) კახეთის მევენახეთა ღვინის დამყე-
ნებელ გლეხთა აზნაგობისაგან, 23)
თფილისის ნოქრებისაგან, 24) პირველი,
მეორე, მესამე, მეოთხე, მეხუთე, მეექვსე
და მეშვიდე რაიონებისაგან, 25) წვრილ
ვაქართა საზოგადოების პირველ და მე-
ორე რაიონისაგან 26) თფ. დემოში მოსამ-
სახურეთაგან და სხვ. დაკრძალვის აშკარა
ინტერნაკონალური ხასიათი ემჩნეოდა,
თუმცა ქართველი საზოგადოება გაცი-
ლებით სქარბობდა ყველა დანარჩენებს.
რაიცა შეეხება საქართველოს ბურჟებს
მათი წმინდა დემონსტრაციული დაუსწ-
რებლობა. თითქმის არავის გაჰკვირებია.
ხშირად მწარე დაცინვით გაუღენთილ სა-
უბარს მოჰკარავდი ყურს და უნებლიეთ
გული გეტკინებოდა.

— ნეტავ ჩვენს ბურჟებს არ ეკადრე-
ბოდათ ეკლესიაში მოსვლა და სახალხო
გმირის გამოთხოვება?..

— ვინ გაბედავს ძმაო, ალბათ გაცი-
ვებისა ეშინიათ...

— იქნებ მათი აზრით არჩილი კატორ
ენიკი იყო...

და სხვა ათასი ამის მაგვარი ჩაესმა ყურს
და გული დამიღონა. განა არც მე მო-
ველოდი ამათგან „სახიფათო“ პროცესია-
ში მონაწილეობის მიღებას, მაგრამ ქა-
ვეთის ტაძარში მდგომ უბრალო კუმბო-
ში მდებარე, ხალხის კვა.ილდებობისათ-
ვის წამებული არჩილის სახეს კი დახე-
დავდენ მეგონა. ბოდიშს ვიხდი ასეთი
გულუბრყვილობისათვის.

სალამოს ოთხ საათზე ხალხი დაიშალა
და კუჩის სასაფლაოს შეავსულში, ახლად
შეზვიენულ წითელი მიწის გროვას,
ცოცხალი გვირგვინებით უხვად შემკულს,
უკანასკნელ სხეებს აფრქვევდა ჩამავა-
ლი მზის შარავანდელი.

ეს იყო არჩილის საფლავი!..

დამსწრე.

ქესტვირული *)

(ბათუმისთვის)

ჩემო სტვირო, შენზე მღერამ
გავგვინა ბევრი მტერი,
ვისაც მოხვდა შენი გესლი—
ავლეჯია თმა და წვერი,
ბევრი დინჯი ააჩქარა,
შეაბტუნა ბევრი შტერი,
შენ კი მაინც არ ისვენებ,
მაინც სცემ მათ, მაინც მღერი.
და იმღერე, ილიდინე,
შეაბტურე ვიგინდარა,

*) ბებღვითი სიტყვის თავისუფლებისა გამო
ამ ლექსის დაბეჭდვა ერთობ დაგვიანდა.

ეშმაკი.

უტყუნე, არ მოასვენო
ორკოფი და მეტიჩარა,
კრუ მოღვაწეთ თავეში ჩასცხე,
რაც რომ მოესცხებთ ის არ ემარა,
უთხარი მათ: კვალათ მოვცხებთ,
არ გაეკვენთ ხმას, არა, არა!..

და სად გინდა, რომ არ იყოს
ხალხი, ზურგის ასაწველი,
ორ სკამზედა გადამჯდარი,
გულით უნდო, საქმით ჭრელი,
დღეს ბატანი, ხუალ მურია,
ზეგ მეელი და თანაც გველი,
გადავკრათ მათ პრტყულ ბეჭებზე,
მათარხისა კული მწვეელი!..

მაშ დავიწყეთ!.. შევაბტუროთ
„ილიდი კაცი“ ბათუმელი,
გკითხოთ იმას: რათ გააგდო
ერთი ვინმე „მადმანელი“?..
რათ უმტერა ძველ მეგობარს,
მაიყენა სატანაწველი?..
არ შევიარჩინე აქ სივლახებს...
ავიხსნას ეს... პასუხს ველი!..


მივუმღეროთ ერთსა რაქველს,
უსაქმურს და გაბერილსა,
მოღინტილეს, მოწუწუნეს,
კისერ ჩამჯდარს, ქუეთა წველილსა,
ფარისეველურ ცრემლის მფრქვეველს,
„უქმეშმარტესსა შევილსა“,
„ერთ რამეზე“ ბლომათ ხარჯავს,
საქმეზე კი—არც ერთ წველილსა.

ახლა სკოლებს ჩავუაროთ,
მივაყენოთ კარზე სტვირი,
„რუკოლელის“ მასწავლებელს
მიუმატეს ჯამაგირი,
მასწავლებელს მეტეა მისცენ,—
განა ითქმის ამის ძვირი?
მარა სწავლა როგორია?..
აი სად არს საქმის ქირი...

მუშებსაც ნუ გამოვტოვებთ,
ბევრია იქ ვასაჯორი,
არ იციან კიბზე, თავი
ჰგონიათ კი კანტის სწორი...
მათთვის გახსნეს დამის სკოლა,
არგინ სწავლობს ოჯახ-ქორი,
ალბათ უფრო უყვარათ ღვინის
ყანწით ხუხვა ერთი-ორი!

ჯერ-ჯერობით ეს ვაკპაროთ,
ჩემო სტვირო, ჩვენსა გმირებს.
შემდეგში კი ნუ მოვაკლებთ
იმთ პატისს, დანაბირებს.
საქმე ვლქნათ საკადრისი,
ვერ უღებდეს დანა პირებს,
ვიცოცხლოთ და ბევრს შევხვდებით
მათარხისგან ანაყვირებს!..

კენკი.



სათათბირ-სამიკიტნოსა,
ბერი ყავს კლოუნ-მგოსანი,
მაგრამ სულ ყველას აქარბებს
ვლადიმერ სვისტოკოსანი.
ურიცხესა აფრქვევს ბაყაყებს
მესამე ღუმის ზღუდეთა,
თითქო გამხდარა საწყალი
ქვეწარმავალთა ბუდეთა.

კონსტიტუცია.

(რუსულიდან)

(ტყის პირად, მწვანეზე, შვა ხნის ქალი, კონსტიტუცია, ზის. მრავალგვარი წამების ნიშანი ეტყობა მის დამწუხრებულ სახეს. უცებ ტყიდან ვიღველში გამოვარდება და კინალამ დაამტყვევს მანდილოსანს).

კონსტიტუცია. ნელა ემაწვილო!
რა მოგაჩქარებსთ?
ლამის პრიჩინაკა სულ წამიხდინოთ?



ვიღველში. მმმმ.
კონსტიტუცია. რაო? რას ამბობ?
ვიღველში. მმმმმ!
კონსტიტუცია. ოპ ღმერთო ჩემო!
უი საწყალო,
ეს კლიტე პირზე ვის დაუღვია?
საბრალო ბავშვი!
შეხედეთ ერთი
ბარბაროსები რას არ სჩადიან!
ვიღველში. მმმმ! (აქეთ იქით იხედე-
ბა. დაინახავს ვიღაცას და ქულ-მოგლე-
ჯილი გარბის).



ბიულოვი. (დაქანცული გამოჩნდება
ტყიდან).
ოპ მეუფეო!
ოპ, ღმერთო ჩემო!
სწორეთ სინსილა გამაგდებინა!
მითხარი ქალო,
შენ მზისა ცალო,
აქ ვიღველშა აუ გამოირბინა?

კონსტიტ. დიას ბატონო,
გამოირბინა.
ბიულოვი. თუ გაიარა,
თქვენ გითხრათ რამე?
პოლიტიკაზე ველაპარაკათ?
კონსტიტ. სულ ცოტა რამე
მარტო მმმ...
ბიულოვი. (შეწუხებული)
ასე ვიცოდი,
მისთვის მოვბოდი. (დაივინებს)
ნეტავ იცნობდეთ
რა გუი კაცია
სცდილობს წარმოსთქვას
„მობილი“ კაცია“
კლიტეს აიძრობს
თუ კი შახურდა
და არ კი ვარგა
თუ გახმურდა. (გარბის)
(ტყიდან სიმღერა მოისმის)
სახლს მიმიგავს მე ცხვირი,
მაგრამ სულაც არ ვსტირი,
რადგან ჩემი სიკეთე
მე თათრებს გავუკეთე.
ბოლგარიის მეფე ვარ
ფერდინანდ კობურგელი
ციც! არავინ გაბედოს
გვირგვინს შემისხოს ხელი!
(გამოდის მხიარული ფერდინანდი)



კონსტიტუცია. რატომ გიქირავთ
გვირგვინი ხელში?
ფერდინანდ. რისთვის და ევშიშობ
არ დამეკარგოს.
შეხედე: როგორ
სქენება, ხუნდება
თავზე რომ მედვას გადაბრუნდება.
კონსტიტუცია. რა გენადვლება,
დე გადაბრუნდეს!
თუნდ დასქენეს სრულად
თუნდა გახუნდეს!
ფერდინანდი. არა დაია
რაც უნდა იყოს
ეგრე სჯობია, ეშხით დავთვერი
ვლებავ და ვლებავ
სხვა და სხვაგვარათ
დღეს მოლურჯოა, ხვალ ვარდის-
ფერი.
(ტყიდან შახი გამოვარდება. დაინახავს
ფერდინანდს)

შახი. ააა, გაუმარჯოს!
 ბოლგართ კოროლო,
 შახი ხომ არ გასურთ მოჯამაგირეთ?
 ახალგაზრდაა.
 წვადებს შეგიწვავს,
 თან არაბული ზღაპრით გატირებთ.
ფერდინანდ. განა სპარსეთში
 ასეა საქმე?

შახი. ქანდრაკულია ბატონო ჩემო.
ფერდინანდი. აჰა! მაშ ეგრე?
 სამწუხაროა!!!
 ერთი მიბრძანე ლეფთა-მეფევე:
 მხოლოდ ხვალემდი,
 სამი მანეთი
 ხომ არ გექნებათ რომ მომასესხოთ?

შახი. სამი მანეთი?..
 გამიწყურეს ღმერთი
 თვლით მენახოს ერთი ხანია...
ფერდინანდი. მაკვირვებს შახო.
 ამ სავგალობო
 დროში, თავი რით გაგიტანია. (მიდის).
 (ტყვიდან სათარ-ხანი გამოფრინდება.)



სათარ-ხანი. (კონსტიტუციას ვერ შე-
 ნიშნავს მივარდება შახს)
 მითხარ, სად არის კონსტიტუცია?!
შახი. ვა, გიჟო, განა არ მომიცია?!
სათარ ხანი. როდის მოგვეცი?..
 გუშინწინდელი?!

გუშინ ხომ ისევ გამოსქარ ყელი?
შახი. ეგ გუშინ იყო,
 ქეშმარიტია...
 მაგრამ დღეს განა არ მომიცია?
 დღეს ათ საათზე
 რომ შემოვიღე
 თორმეტზე ისევ უკან წავიღე,
 მაგრამ საღამოს
 ხომ დავაბრუნე?!
 (შემოვარდება ახალგაზრდა ოსმალო)



ოსმალო. კონსტიტუცია
 არ დაგინახავთ?
 ძლიერ გვჭირია და ნუ დაგვძრახავო.

შახი. ვითომ რა იყო,
 რა ამბავია?

ოსმალო. პარლამენტი გვაქვს მოსარ-
 თავია. (დანიახავს კონსტიტუციას და
 მივარდება)

ოჰ, ქალბატონო,
 გთხოვთ წამობრძანდეთ
 ჩვენი სამშობლო თქვენ გადმოგანდეთ.

კონსტიტ. გმადლობთ; ქაბუკო
 მიწვევისათვის (მიდის).


შახი. შესდექით ცოტა ღვთის გუ-
 ლისათვის.

ერთი ნამცეცი
 თმისა ნამცეცი,
 გთხოვთ დამიტოვოთ მოსაგონებლათ.

ოსმალო. რამდენიც გასურდეთ
 არ კი შეგჭურდეთ
 თმა მიაკვეთთ გენებოს მთელათ.

შახი. გმადლობთ ნებისთვის,
 ოსმალებისთვის
 დანარჩენიც კი კარგათ გეყოფათ.

(ამოიღებს ხალს და თმისთან ერთად თავ-
 საც მოჰკვევს).



(ყველა განცვიფრებული. ტოტების ლა-
 წალღუთა და ილიაში ფულგებინანი ტო-
 მართ, ტყვიდან ბანჯღვლიანი დათვი
 გამოზღუნდება. დანიახავს ამ სურათს და
 მხიარულათ შესძახებს);



დათვი. ღმერთო მაღალო!
 მაღლობა შენა...
 კონსტიტუცია აღარ გვაქვს ჩვენა.

ნიკოთას ჩივილი.
 (იმერული სყენა)

დეიქვს და დეიდუპოს ჩემის ცოდვით
 ის პიატი გოდა, რაფარკ იმან დამდუპა
 და დამქცია კაცო!!.. მაინც და რაფა
 ეირია ყორისფელი... ძაღლი პატრონს
 ვედარ ცნობდა; ქვეყანა ქე ცოციალის-
 ტობდა; დიდი, პატარა, ქალი, კაცი, ბა-
 ტონი, ქალბატონი, ხუცესი, დიაკონი,
 მამასახლისი, ჩინონიკი, გრუბენატორი
 და ჯანდაბა. გამიწყრა მოწამეთის მად-
 ლი და ქე არ ავეყვი მეც! რა მე-
 ცოციალისტებოდა მე უბედურს, მამა
 ჩემს სახლში ხველა ქალით ყრონტი ჰქო-
 ნდა გამოთხრეშალო. ყყოფალიყვე ჩემ-
 თვის, ქე ვიდექ პატროსან ადგილზენ.
 მარა ი გატკიცინებული ბარიშენი რომ
 ხოვდენ კისერზენ ხელს ამ უშველემელ
 ყახახებს და აუხანიეს უძახდენ, ცოტა
 არ იყოს, რომ მეც რაცხა მზიხიჩანა გუ-
 ლში. ვიფიქრე, ბიჭო, ნიკოთა თუ გა-
 კეთდა შენი საქმე—ახლა თქვე. კიი ყო-
 ფილა ეს ცოციალისტობაა თუ რაცხა
 ეშმაკი თქვე! ამ ეკრაზიის და კიი ღიმ-
 ნაზიის ბარიშენმა თუ დამიწყეს კისერ-
 ზენ კორწილი, კიი დაგეშართოს, კიი
 აგი ცოციალისტობა ყოფილა თქვე. აე-
 დექი ბატონო, მივაყარე ჩემ ხაზინს
 ბრანწი, უქენი ბუნტი, და ქე გამოვეარ-
 დი გარეთ. გამოვარდიო?!.. მომცენდა
 ქალი, კაცი, დამიწყეს ქაჩაგი, რაღმე
 გამგლოჯენ შვაზე. ვეყენებ; დუშკა, მა-
 ცალეთ პეტერევი და თუ ნიკოთა ვყოფი-
 ლვარ, არც ერთს არ გაწყურებთ თქვე.
 მარა არ მომიცედეს შენი თავი, ვარესათ
 გამქაჩეს. ვიფიქრე: შე უბედურო ნიკოთა
 რა დღეს მოესწარი, რომ აქაბაძედ რა-
 ცხა ჩიბურტალა ყახახის გოგო ახლოს
 არ გეკარებოდა თქვე. მარა ნუ იტყვი,
 თურმე რაცხა სხვა. ქანებათ გულში
 ერთი შეუმბება ჩვენ პარტიაში მოდიო,
 მორე მისკენ მეწიწება; მესამე მისკენ...
 იმე... ვიფიქრე და მეც გევიბერე .. მამა
 ჩემს ზალიკა საკინქალაძეს სიძმარშიაც
 არ გოლარს თავში აი ამბავი თქვე და
 მე ნიკოთა ხელზე სეკოტრილებელი შე-
 ვიქენი თქვე. ვკითხე მერე ერთს: შენ
 რა პარტიის ხარ თქვე, მეო ცოციალ-
 რევიოლუცია ვარო. კიი და რას თხოუ-
 ლობ შენ თქვე. ჩვენო უნდა ჩამოვარ-
 თვათ ყველას მიწები და დღვირიგოთო.
 იმე, რა კიი მაღა გქონებია ყმაწვილო
 თქვე მივაძახე. რაცხა ორი ქცევა მიწა
 მაქ ბაბლისეული და იგი შენ ჩამომარ-
 თვა აფხანიკობას გაგაწვევ კი არა, ლი-
 ვერს არ გკრავ შეგ გულში თქვე! არა
 ჩემო ბიძიავ, შენი პარტია ხელს არ მომ-

ცემს თქვა. "შენო, შეუღნებელი ხარო ჩელიაბარკა და მიტია. შევეითებ მეორეს. მე თებერვალისტი ვარო, ჩვენ ქართველი ღრუბერნატორი გვინდაო. აწი და რუსი რომ იყვეს მითომ რა იქნებოდა თქვა. ქართველები ვართ და ყველა ჩინონიკები ქართველები უნდა გვყავდესო. ვა შენ პატრონს უბედურს თქვა ვუთხარი; ბიქო და ისტეველ რუსი არ ჯობია, რომ ხანდახან ქე დოუსისტიკინებ დედას და ქე მინც ვერ გვიგებს და ხახვივით შემჩნება თქვა, მის ალაგზენ რომ ქართველი იყოს ხომ ბაწარზე ჩაპო-მკიდა თხასავით თქვა. არა ძამია მე თქვენ პარტიაში ვერ მოვალ თქვა უთხარი ავი. იმანაც ჩააქნია თავი, დიკრა გულხენ ხელი და ჩელიაბარკა, ვა ცოცილ-დემოკრატებო, თქვენ გადარით ხალხი მარა გიპოვით დროსო და ქე მომიკლდა უცებ ვიკითხე აი ცოცილ-დემოკრანტები რა და არის თქვა. მომცინდა ქაფი და კაცი, თურმე ქვეყანა იგენის ყოფილა; ჩვენო, ღარიბი ხალხის პარტია ვართო, ბურჯუებს უნდა ვებრძოლოთო, რუსი, ქართველი, სომეხი, თათარი, ურეი სულ ერთია ყველა ძმანები ვართო. ვიფიქრე ბიქო, აი ყველგ თუ ერთათ ვიქნით ჩვენ ვილა მოგვერევა თქვა ავწიე და სითაც ბევრი ხალხი იყო იქეთ გარვედი. იცოცხლე კი პარტია იგი გამოდგა და კი დროებასაც ვატარებდო. ქალი-შვილები თუ? ისე მესია თავზენ, რავარც ბერიო.

იცოცხლე მაშინ უცევე მესპო ქურდობა, ყახალობა რაზმონიკობა და მამა-ძალლობა. ბურჯუები თუ? ისე მეიკუნტენ წელში. რომე ჩემი ხაზენი საცხა შემხედებოდა მეინვლებდა ქუდს და ზღარასტი ნიკოია კა პაეივაიტ ვაშა ბლალარდინიაო მომძახებდა. მე რომ მაშვირ დღეში ვიყავ მისთანა ღმერთმა ყველას "მოვასწროთ, მაგრამ გოუმწარდეს სიცოცხლე ვინცხამ ჩვენ ეს დაწყობილი ძმობა აფხანიკობა მოგვიშალა!..

შეიქნა თუ არა, ბატონო, შესტოი გოდა, შენს მტერს მისთანა, ჩვენ რომ დღეი დაგვაჯგა! მანობამდის რომ არსად იხედებოდა აი სტრანეიკები, სალდათები და ყახახ რუსები და რავარც გოსუდარცკი დუმის პრესედატელი ისთე დაესეირობდით; მერე ყველგ უცებ დაგვესია თავზენ... დავეიშინეს ბატონო თოფი, ზარბაზანი, ვადავეწვეს სახლი, კარი და ყოროსიფელი. დედა რავე ტკიცინ-ტკიცინი გაქონდა ჩემს საშობოთ შეკერულ ჩოხა ახალღს. ვი იმ დღეს რაიკ მაშეინ ნიკოიას დღეი დაადგა. კანკრასათ თხთხ თვე ტყეში ვიმაღებოდი მშვიერ

წყურვალი. მერე როცხა დაწენადაყო-რიფელი ვიფიქრე აწი აღარას მეოჩიან თქვა, და ქე ჩამოველ ქალაქში. მინდოდა რაცხა ალაგი მეშოვა, მარა შენ არ მომიკვდე, ყველამ ბრწწი მომაყარა; შენო, ცოცილ-დემოკრათი ხარო, წადი და რუსეთში იშოვე ალაგო. იცოცხლე ჩემთან ნამსახური ბიქები კი დღეში იყვენ ახლა, ვინც მაშეინ თებერვალისტის პარტიაში შევიდა. მე კი დავდივარ ცარიელ-ტარიელი, კულ ანოძუებული, ენა გამშრალი, კუქგამხმარი და დაგლეჯილ დაწრწილი. ერთმა კაკალმა ხაზენმა რომაა არ გამიკარა. თუ დადგა დროი და, მოვესწარი მისთანა გოდას, რავარც პიატა გოდა იყო გაყურებებ იმგენის სეირს, თუ არა და, ანასუნე ჩემ საქმეს. აღბათ ასთე მწერებია შუბლზენ.

„გოგოე“.

გაზეთები გაღატაკებენ!

- კვირას ქარაულ თეატრში მიღიხარ?
- მივდივარ.
- რა წარმოდგენა იქნება?
- „პატარა კახი“.
- როგო? თუ „პატარა კახი“ მე წავიკითხე ვანცხადება და ასე ეწერა: „კვირას, 28 დეკემბერს დილით, წარმოდგენილ იქნება „ლალატი“ო.
- ტყუილი! ტყუილი! მერე სად წავიკითხე რომელ გაზეთში?
- „ალში“!, „ალის“-ს 43 ნომერში ეწერა კვირას „ლალატს“ არღვენო.
- საკვირველია, მე წავიკითხე „ალი“-ს 44 ნომერი და აცხადებდენ „28 დეკემბერს წარმოდგენილ იქნება „პატარა კახი“-ო. ეს რა ამბავია?
- „დროება“ წავიკითხე?
- წავიკითხე.
- იქ როგორ სწერია?
- იქ სწერია... ვითხრა? არ დაიჯერებ—კვირას 28 დეკემბერს წარმოდგენილ იქნება „რევიზორი“-ო... ხა, ხა, ხა, ხა...
- ეს რა ღვთის წყრომია?
- „ხაკ. თბოზრ“. წავიკითხე?
- წავიკითხე.
- იქ რაღა სწერია?
- კაცო, წარმოიდგინე, იქ სწერია კვირას „პატარა კახი“ იქნებაო.
- ეს რა ამბავია?
- „ნოვოს. ხაკ.“-ში რაღა სწერია?
- იქ ეწერა „რევიზორი“ იქნებაო.
- ეს სწორეთ დაუჯერებელი ამბავია.
- რა უნდა ვიფიქროთ ეხლა, როგორ გგონია, გაზეთები გადაგვერიენ, დრამატული საზოგადოება თუ, რეისორ-

ადმინისტრატორები? რა ამბავია ეს?
 — სწორეთ აბუჩათ გვიგლებენ სხვა არაფერი. იქნება, ჩემო ძმაე „ალი“ წავიკითხე და „დროება“ არა, ან „დროება“ წავიკითხე და „ალი“ არა, ხომ მოტყუებულნი დავრჩი, აღარ მეცოდინება „რევიზორი“ იდგმება, „პატარა კახი“ თუ „ლალატი“.
 — როგორ ფიქრობ რათ გვიბნევენ ასე დავთარს?
 — რა მოგახსენო.
 — შეიძლება წარმოდგენის დროსაც კი გვითხრან! ველარ მოვასწარით და შემდგესისთვის გადავდეთო.
 — შეიძლება.
 — გაზეთები გადაგვერიენ ძმაო, მარა არც ნაკლებათ დრ. საზოგადოება.

წრიბ.

ბ ა ლ ა ნ ტ ი ბ ი ი .

(ღარიბულათ შეკაზმულ სუფრას უსხედან სამი ახალგაზდა ინტელიგენტი, კოსტა ფშუტაძე, ნიკო ქერქეძე და მათე მატრაკვეცია. შობის მეორე დღეა. სამივე გვირანათ შეწითლებულია ღვინით. კოსტას თავზე ხელი შემოუდგას, ღრმად ჩაფიქრებულა და თვალები პოეტური გატაცებით შემწვარი გოქის „პოპოკისთვის“ გაუზტერებია. ხშირათ იღიმიეა. ნიკო სკამზე გადაწოლილა და თვალები დაუხუჯავს, ოცნებას გაუტანია. მათე პაპიროხს, პაპიროხზე სწევს და ხშირ-ხშირათ შუბლზე თითს მიიდებს, თითქო დიდი რამ საკითხი გადაწყვიტაო. უცბათ კოსტას სახე გაუბრწყინდება, გოქის პოპოკისკენ ხელს გაიშვერს და გატაცებით წამოიყვირებს):

კოსტა ესე გოქის პოპოკი მალლა აშვერილია, აბა ნიკო შეხედე დაუკრიქე კბილია.

ნიკო (ხარხარებს და ტაშს უკრავს) ბრავო! ბრავო! კოსტა! მე და ჩემმა ღმერთმა საკვირველია ასე ექსპრომტათ ამისთანა საუცხოვო ლექსის გამოთქმა. ეჰ! მახლას! როგორ უბრალოთ ილუბება ასეთი ტალანტი?

მათე. (ხარხარებს და ტაშს უკრავს) ყოჩაღ ნიკო! ექვი არ არის გაქვს ნიქო ლექსთა თხზვისა. ასე უცაბათ ლექსის შეთხზვა არა ჩვეულებრივ ტალანტის ნიშანია. ეჰ! ტალანტიც რომ გქონდეს რათ გინდა, ჩემო ძმაე, შენი ლექსები და შენი წერილები გულშივე უნდა ჩაიკლა. არავინ დაგბეჭდავს და ისე რათ გინდა.

კოსტა. (სიამუნებით) აი ვიცი ღმერთმანი ტალანტი მაქვს თუ არა, მხოლოდ ლექსებს რამდენიც გინდა იმდენს შევთხზავ, ჩემი უბედურება ის არის, რომ არსად არ მიბეჭდვენ, არც გაზეთში და

არც ჟურნალში. სადაც კი მოვიტანე ყველგან დამიწუნეს, არ ვარგაო.

ნიკო. ეჰ! რა დრო დავიდგა. რედაქციებში ისეთმა ხალხმა მოიკალათა, რომ არც პოეზიის და არც სხვა რამეს არაფერი არ გაეგება. არავითარ ყურადღებას არ აქცევენ არც ტალანტს და არც ახლათ გაფურჩქნელ ნიქს. კვენხათ ნუ ჩამომართმევთ და კაი გვაჩინი მოთხრობები დაგწერე და მივიტანე, მარა მაინც დამიწუნეს.

მათე. (წყენით) არც მე მადგია კაი დღე. მართალია არც ლექსების ოხზევა შემიძლია და არც მოთხრობების წერა, ასეთი ტალანტი ღმერთს ჩემთვის არ მოუტია, მაგრამ არც სულ უნიკო ვარ. ვინ იცის რამდენი პუბლიცისტური წერილები დაესწვრე, მაგრამ ყველა თავზე გადმომაყარეს. არსად არ დაბეჭდეს. თქვენ კიდევ რა გიჭირთ, ლექსებს და მოთხრობებს თავის დღეში დრო არ წაუეა, პუბლიცისტურ წერილებს კი დღესა აქვს მნიშვნელობა და ხელ ადარა. ჩემი შრომა ასე ფუჭათ მიდის. ეჰ! მახლას! (ღვინოს გადაკრავს).

კოსტა. (ჩაფიქრდება, გაიღიმებს. ცოტა ხნის ფიქრის შემდეგ უცბათ გულზე ხელს დაიდებს და ხმა მალდა ყვირის)

სტოლთან ვზივართ ორი მზეკი მელექსე და პუბლიცისტი, მხარს გვიმშვენებს ბელეტრისტი იშტი, ბიშტი, თოფი ხიშტი.

ნიკო. (ხარხარებს) ხა, ხა, ხა, ხა! იშტი ბიშტი, თოფი ხიშტი წავიხთა ძმო წავიხთა.

მათე. (ხარხარებს) მელექსე და პუბლიცისტი, იშტი ბიშტი თოფი, ხიშტი (იცინის) საუცხოვო რიამა, მაგრამ აზრი კი ყოველივე კრიტიკას მოკლებულია. მართო რიამაზე ხომ არ არის საქმე? ლექსის მთავარი ღირსებაა, ღრმა აზროვნობა და თან, რასაკვირველია, რითმაც.

კოსტა. (წყენით) ლექსის მთავარი ღირსებაა, რითმა, ლექსის ბოლო სიტყვების დაბოლოება ჰარმონიულათ უნდა ეთანხმებოდეს ერთი მეორეს. მაგალითით „ტი“ პუბლიცისტი, ხიშტი. ერთიკა და მეორეც „ტი“-თ თავდება. აზრსაც თუ იკითხავთ ამ ერთ კულეტში მთელი აზრია გატარებული, აქ პუბლიცისტიკა კია ნახსენები, მელექსეც, იშტი-ბიშტიც და ხიშტიც. მე მგონია თქვენ გაიგებთ, რომ ყოველივე სიტყვას თავისი მნიშვნელობა აქვს. „პუბლიცისტი“—დღევანდელი ჩვენი პოლიტიკური ვითარება, იშტი-ბიშტი—სამრეწველო კრიზისი და ხიშტი—რეაქცია.

ნიკო. (ღიმილით) თუ მეტი არაფერი

უნდა მაგისთანა ლექსს რამდენიც გინდა იმდენს გამოვსთქვამ. საეაღდებულო ხომ არ არის, რომ ყველა სიტყვები მარტო „ტი“-თ თავდებოდეს? ხომ შეიძლება, მაგალითით „არი“-თ დავაბოლოოვო?

კოსტა. (მხიარულათ) როგორ არა, როგორ არა. გინდა „არი“-თ დააბოლოოვო და გინდა „ბარი“-თ, სულ ერთია.

ნიკო. (დაფიქრდება) აბა მიყურეთ? ესცადო? (შუბლზე თითს მიიდებს)

ლარი, ხარი, ჩონგურ-თარი ხელ-კავი და თხის ტარი.

კოსტა. (წამოხტება და ტაშს უკრავს) ყოჩაღ ნიკო! ყოჩაღ! ბიჭო, შენ მართლა მელექსე ყოფილხარ. მე გირჩევ შენ მოთხრობებთან ერთათ ხანდისხან ლექსებიც სწერო.

მათე. (იცინის) „ლარი ხარი... თხის ტარი“, საუცხოვო! საუცხოვო! მართალია პუბლიცისტურ წერილების მეტი არაფერი მიწერია, მარა მაგისთანა ლექსს მეც შევთხზავ მგონია.

კოსტა. (მხიარულათ) აბა მათე ერთი შენი პოეტური ნიქიც ვნახოთ!

ნიკო. ვოხვო! თუ ხათრი გაქვს აბა გაანძრე ერთი შენი მძიმე ტენი.

მათე. (შუბლი დაუნაოკდება, თვალეზი გაუფართოვდება, თითს შუბლზე მიიკრებს და ღრმად ჩაფიქრდება. ცოტა ხნის შემდეგ სახე გაუბრწყინდება, პირს დაადებს და დაიქუხებს)

აბდა უბდა, გადბრუნდა ლექსის შეთხზვა ასე უნდა, უკეთესს ლექსს თუ ვერ შეთხზავთ მთხლე შექამეთ ერთი გუდა.

კოსტა. (გაოცებული) ბიქოს! ბიქოს! ყოჩაღ მათე! ყოჩაღ! აი თურმე სად იმალება საუცხოვო ნიქი? ვინ იფიქრება თუ პუბლიცისტს, მშაღალ წერილების მიხზველს, ასეთი ნახი, პოეტური ლექსის შეთხზვა შეეძლო? საკვირველია, საკვირველი! ოჰ! დროება!

ნიკო. (მხიარულათ) მართლაც, რომ საკვირველია. შენ ნუ ხუმრობ კოსტა და ჩვენ მათეს უეჭველი პოეტური ნიქი აქვს. გრჩევ მათე, ბეჯითათ მოკილო ხელი ლექსების წერას და ნახავ, როგორ ჩქარა მოიხვევ სახელს.

მათე. (დაღონებული) გინდ სწერე, გინდ ნუ სწერ, გინდ მოიხვევე სახელი, გინდ ნუ, სულ ერთია. ტყუილათ რომ ვსწეროთ რა გამოვიდა თუ კი არსად არ დავიბეჭდავენ?

კოსტა. (ამოიხვეწებს) ოჰ! ტალანტები! ტალანტები! რა უსარკველოთ იღუპება ასეთი ტალანტები!

ნიკო. რომ იცოდეთ, ძმებო, რამდენი მოთხრობები მაქვს დაწერილი, სწორეთ

შეგეცოდებთ. ყრია უმოწყალოთ სტოლის უჯრაში. ფული მე არა მაქვს, რომ გამოვსცე და ისე რა ეშმაკათ მინდა. იმას ნუ იტყვი, რომ მოთხრობებს ლექსებზე ნაკლები მნიშვნელობა ქონდეს. მართო ერთი ზუნების აღწერა ლათ ღირს.

მათე. მე, სწორეთ უნდა მოგახსენოთ, დიდი მოტრფიანე ვარ კარგი მოთხრობების, ხანდისხან ისე გამოიტაცებს ხოლმე, რომ ყველაფერი მაიწყდება.

კოსტა. აბა ნიკო, მოიგონე ერთი რომელიმე კარგი ადგილი შენი მოთხრობებიდან.

ნიკო. (მხიარულათ) დიდის სიამოვნებით, მე მაქვს ერთი დიდი მოთხრობა „ვირის ცრემლები“. საუცხოვო რამ არის. იწყება ასე: ყვერეთი „გამოგვარგვალიტებული“ მთვარე დასავლეთისკენ ჩავრდ, თუნუქის ღამასავით მბეტუტავ ვარსკვლავებს მიეძინათ, უცბათ აღმოსავლეთიდან ამოშა ვეებერთელა მზე, თავისი სხივები აქეთ მიარკო, იქით მიარკო და ბოლოს მინფრათ ღამით დარჩენილ, მუნთან ვირს მიანათა, ვირმა თავი აიღო, მის ღრმა აზროვან თვალეზში სიხარულმა გაითამაშა, ვირი დაეწაფა მზის სხივს, მეტის სიამოვნებისგან ვახრუკული კული გააქნია, „ორი ობოლი ცრემლი“ მოსწყდა თვალეზიდან და მიწაზე ბრავგავნი მოაღინა...

კოსტა. (მეტის სიამოვნებისგან კულპინის დაიწყებს) რა მშვენიერებაა! რა მშვენიერებაა! აი ნამდვილი ბელეტრისტი ვფიცავ უზუნაესს, ჩემს პოეტურ აღმჩაღმა ფრენას, რომ ჩემს ყურებს ჯერ არ სმენია ასე პოეტურათ „ვირის ცრემლები“ აღწერა.

მათე. (თვლები აეცრემლება) სწორეთ, რომ საუცხოვოა, საუცხოვო, როცა იმ ადგილს მივლწე, „მზე ამოშა, თავისი სხივები აქეთ მიარკო, იქით მიარკო, მინდორში დარჩენილ ვირს მიანათა, ვირმა მეტის სიამოვნებისგან ვახრუკული კული გააქნია და „ორი ობოლი ცრემლი“ მოსწყდა თვალეზიდან“. გესმით „ორი ობოლი ცრემლი“. მე ნათლათ წარმოვიდგინე, როგორ გულსაკლავ ქვითინს დაიწყებდა საბრალო ვირი. ასეთი რამ ჯერ არავის დაუწერია.

კოსტა. დასწერა ერთმა მაგრამ ასე კარგათ ვერ იყო აღწერილი ვირის ამბავი.

მათე. ასეა თუ ისე, საუცხოვო რამ არის და ნიკო საპატიო ალაგს დაიქვრს მომავალში, ჩვენ ბელეტრისტებში.

ნიკო. აბა ეხლა შენი რიგია, ჩემო კოსტა, ერთი შენც მოიგონე რამე კარგი ადგილი შენი წერილებიდან.

კოსტა. აბა მათე!

მათ. (სიამოვნებით) კარგი! ამ ორი დღის წინათ ერთი სსამცთაურო წერილი დავსწერე. საზოგადოთ ძნელია, ძმებო, პუბლიცისტურ წერილების წერა, აქ პოეტური ნიჭი ნაკლებათ გამოხსადგვია, აქ საჭიროა ღრმა მეცნიერული ცოდნა და პოლიტიკურ მომენტის შესწავლა. ამას წინათ დავსწერე წერილი, რომელიც შეეხება საზოგადოთ დღევანდელ მდგომარეობას. წერილი ასე იწყება: „დაი-გრიალა რეაქციამ, დაქუხა, დასქეპა, დაიღრიალა, დაამტვრია, დაამსხვრია ყვე-ლაფერი, მიღწე-მოღწეა, ფეხ ქვეშ გა-თელა. რევოლიუციას კისერი მოსტყდა, წელში მოიღუნა, გატყდა, სული გას-ძვრა, ქვეყანა ბნელმა ღამემ ჩანთა, ხალხი ჩაძვრა, სული გასძვრა.“

კოსტა. დიდებულია! დიდებული!

ნიკო. საუცხოვოა! ღრმა აზროვნია.

კოსტა. დაბეჭდე საღმე?

მათ. საუბედუროთ სადაც კი მივიტა-ნე, არასდ არ დამიბეჭდეს. მიგდია სახლში.

კოსტა. (აშოიხბრებს) ოჰ! ტალან-ტები! ტალანტები!

ნიკო. ოჰ! ტალანტები! რა ტალან-ტები ვიღუბებით. პოეტი, ბელეტრისტი, პუბლიცისტი, სამი ვარსკვლავი მთელ ჩვენ ბედკრულ ქვეყანას გავაშუქებდით.

სამივე ერთათ (ტირილის ხმით):

ოჰ, ტალანტები, ოჰ ტალანტები

სამივე ტყვილით დავებეტებით.

(ღვინოს ვადაკრავენ და ტირილით გა-დაღებვიან ერთმანეთს)

ირეთელი.



სულთანის აბდულ-გამიდი.

ჩაველაზე კონსტიტუცია, სიცხე სულ არ მოუცია! კარგს მადანე დამაყენა ამომიბა მუნჯი ენა! წელში გამართ-გამასწორო, ძველს მეგობრებს დამაშორა, თვალის ჩინი მომიმატა, გულს იმედი ჩამიხატა, გამოუღდეს გარემს კარი, მომამორეს მცველი ჯარი, მაგრამ არ მაქვს გულში შიში არც მაშინებს მტრის ერიში. ყაირათი დაიქირეს, ჯაშუშებმ დამიძვირეს, ვზივარ ჩემთვის, კანონს ვიცავ, ვსიამოვნებ ალლასს ვფიცავ! ნეტავ, რისთვის ვაყონებდი და ამ წამალს არ ვიდებდი?!



შასი მაგომედ-ალი.

მეც მივიღე ეგ ოხერი, მაგრამ ისე ჩემი მტყრი! მე მან კუჭი შემიხურა, კაცის სისხლი მომაწყურა, ამიტეხა სურდო, ხველა, გადამვიდა თითქმის ყველა, ფალარათი გამიჩინა დამიკალა მთლათ ხაზინა, გულის ფეთქა შემისუსტა, მეგობრები გამიბუტა, გამამხეცა, როგორც ხელი მეფე, მეფეთ მბრძანებელი, მოვიკუნტე როგორც ზღარბი მსუნავი და მადა ხარბი, აღარ მქონდა სხეე საშველი გამვიღე ისევე ხელი: არც ვაცხელე, არც ვაციე მეჯლისის მყის დავაქციე, ვინც მიჩრია ეს „წამალი“, გამოვთხარე ყველას თვალი, ბევრი ქვეყნის მოამავე მარგილებზე ჩამოვავე ვისაც ენა ჰქონდა პირში, მივათალე კაკალ ძირში... მაგრამ მაინც არ მეშველა, სულ მატულობს ხათაბელა...

იყიღება

„ზრომის“ სტამ-ბაში და აგრეთვე ყველა პროვინციულ აგენტებთან იუმორისტული ჟურნალების კომპლექტი:

„ეშმაკის მათრახი“ 1907 წ. 13 ნომერი ერთათ შეკერილი . . . 1 მ. 30 კ.

„ეშმაკის მათრახი“ და „მათრახი“ 1908 წ., 3 ნომერი, ერთათ შეკერილი. 2 მ. 50 კ.

„შუამავალი“ 1907 წ. 8 ნომერი — 80 კ.

„შურდული“ „ „ 3 „ — 15 კ.

ვინც ყველა ნომრებს ერთათ იყიდის—4 მ.— გამოაწერა პროვინციებიდანაც შეიძლება და გაეზავნებათ ვინც წინადაწინ გამოგზავნის ღირებულ ფასს.

აღრესი: Тифлиς, типография «Шрома» Теофила Ерастовичу Болквадзе.

აგენტებს დაეთმობა 25 პროც., უნდა მოსთხოვონ გაზეთების ბიუროს ხელმძღვანელს ბ-ნ მ. განეჩილაძეს.

